

# **IKHWĀN AL-MUSLIMĪN BERSATULAH SEKARANG**

## **TEGAKKANLAH JIHAD SAUDARA-SAUDARA UNTUK MENEGAKKAN AGAMA ALLAH**

[Risalah yang bersambung-sambung ini adalah suatu risalah yang diharapkan akan memberi kesedaran kepada kaum Muslimin untuk menghadapi keadaan yang berlaku di sekelilingnya sekarang ini. Makalah ini adalah khas diuntukkan bagi menghadapi keadaan di Tanah Melayu yang mengenai kedudukan umat Islam masa hadapan – mengingatkan kewajipan-kewajipan mereka kepada agamanya dalam masa keadaan kita hari ini yang dipandang oleh sebahagian orang-orang yang insaf sebagai suatu masa yang genting dan berbahaya kepada keselamatan dan kesejahteraan umat Melayu yang beragama Islam. Tulisan-tulisan dan alasan-alasan yang dibawa di sini semata-mata diasaskan kepada pengajaran al-Quran dan sunnah Nabi (s.a.w.). Kerana itu adalah diharap risalah ini diperhati dengan saksama oleh umat Islam – Penyusun]

(Oleh Pemerhati)

Saudara-saudara, Ikhwān al-Muslimīn! Di dalam pilihanraya yang lalu telah kita lihat dan dapati banyak pengajaran-pengajaran yang patut diperhati dan diselidiki oleh seluruh umat Islam. Di dalam pilihanraya yang telah kita hadapi itu telah beberapa banyak ayat al-Quran dan hadis digunakan untuk menarik umat Islam, untuk mengabui mata umat Islam yang tidak faham akan kedudukan pengajaran Islam supaya cenderung kepada pengertian mereka, supaya tertarik kepada mereka dengan mengatakan bahawa perjuangan mereka adalah perjuangan yang mengikuti ajaran-ajaran al-Quran dan kerana itu mereka, sebagiannya lebai-lebai yang mencari kedudukan semata. Dan ada pula kerana mengawal maslahah diri, nampaknya telah menggunakan ayat-ayat al-Quran dan sunnah Rasul untuk memikat umat mempercayai bahawa cita-cita yang bersesuaian dengan ajaran-ajaran al-Quran.

Di sana-sini kita dengar bahawa mereka pergi sembahyang hajat, munajat ke hadrat Ilahi, membaca Yasin dan berdoa kepada Tuhan dengan harapan supaya perjuangan mereka menang-menang dalam perjuangan untuk menegakkan negara merdeka. Bersama ditegakkan dengan kaum kafir – dengan suatu cara atau kaedah bahawa pengertian beragama itu adalah untuk beribadat semata dan tidak ada kena-mengena dengan ketatanegaraan.

Melihat kepada keadaan yang serupa itu, perkembalian mereka kepada agama (kepada Tuhan) maka zahirlah ke hadapan mata kita seolah-olah mereka sebagai seorang muslim yang jati yang bersyahadah, yang melalu rukuk dan sujud. Dengan kerana itu maka patutlah di sini disebut soal yang didatangkan oleh Kiayi Isa Anshari di dalam bukunya “umat Islam



*Fadīlah Shaykh al-Azhar al-'Allamah Dr. 'Abd al-Rahman Tāj, bersama-sama rombongan sedang menunggu dipangkalan terbang Singapura dalam perjalanan balik ke Mesir setelah melawat Indonesia. Di kiri: al-Ustādh Sālim Fakhri (Indonesia) yang telah datang menghantar Shaykh al-Azhar setakat Singapura.*

menghadapi pemilihan umum' yang ditujukan kepada mereka yang keadaannya serupa itu: "Hukum apa, dasar apa isme apa yang layak dan wajib saudara perjuangkan? Redakah saudara sebagai seorang Muslim menggunakan hukum dan undang-undang atau isme selain dari hukum dan undang-undang Allah? Patutkah bagi saudara, sebagai seorang Muslim mengaku beragama Islam, mengaku menjadi beragama Islam, mengaku menjadi umat Muhammad, mendokong ideologi (fahaman) yang bukan ideologi Islam? Patutkah bagi saudara menganut isme lain-lain atau memperjuangkan ideologi lain?? Soal-soal Kiyai Isa itu adalah tepat dan nyata dan bukannya sahaja mengenai orang-orang di Indonesia tetapi juga kepada umat Islam di Malaya yang bertanggungjawab kepada masyarakatnya

terutama pula di dalam pilihanraya yang baharu lepas itu. Kita umat Islam adalah mempunyai undi hampir-hampir 90 peratus tetapi halangan undi yang telah diberi banyak kepada yang bukan Islam dan kepada dasar-dasar kebangsaan yang tidak dapat menjalankan cita-cita Islam.

Sesungguhnya ajaran Islam dalam al-Quran dan sunnah cukup mengingatkan dan memberi didikan kepada umat Islam – malangnya umat Islam (orang awamnya) kurang pengertiannya dalam perkara ini. Umat Islam dalam pilihanraya yang lalu – tak dapat diberi pengertian yang sebenar atas tanggungjawab mereka kepada agamanya yang disebabkan oleh pertubuhan yang bukan mendasarkan perjuangannya kepada Islam itu telah pula mengabui mata

umat tentang pengertiannya tentang fahaman agamanya. Ayat-ayat Tuhan

telah digunakan mereka untuk mengelirukan faham umat sedang pertubuhan Islam yang berjuang kerana menegakkan cita-cita itu tidak pula berani tegas di dalam pendiriannya berjuang menegakkan cita-cita Islam, cita-cita yang diwajibkan oleh Allah, disampaikan oleh mereka dan dilaksanakan oleh mereka untuk kebahagiaan umat Islam amnya – mereka masih lagi berpendirian takut-takut dan masih lagi sebagai sebuah pertubuhan yang boleh dipandang bersifat muzabzab – tidak berdisiplin dan tidak percaya kepada tenaga dan diri sendiri.

Saya berkeyakinan bahawa mereka cukup sedar tentang bagaimana Islam telah memberikan hukum dan undang-undang yang lengkap meliputi segenap segi hidup dan kehidupan, ukhrawi dan dunia, ibadat dan muamalat – baik yang mengenai perseorangan mahu pun yang mengenai masyarakat dan rumahtangga.

Saudara-saudara ikhwanul Muslimin tentu telah mengetahui bahawa hukum apakah yang wajib dijalankan oleh kaum muslimin di dalam segala segi kehidupan itu, di dalam al-Quran Allah telah berfirman dengan mutlak, dengan tidak tawar-menawar lagi seperti yang tersebut di dalam surah al-Mā'idah ayat 49:

*Wa anīkum baynahum bimā arzala allāhu wa la tattabi‘ ahwā ‘ahum wahdharhum an yaftinūka ‘an ba‘d mā anzala allāhu ilayka fa‘in tawallaw fā‘lam annamā yurīdallāhu an yuṣībahum biba‘di dhunūbihim wa inna kathīran min al-Nās lafāsiqūn.*

Maksudnya: “Dan hendaklah engkau hukum di antara mereka itu dengan barang yang telah diturunkan (hukum) Allah, dan janganlah engkau ikut akan kemahuan hawa nafsu mereka itu, dan berjaga-jagalah mereka jangan sampai memfitnahi engkau (berpaling) daripada setengah yang telah diturunkan Allah kepada engkau; maka jika mereka itu berpaling, maka ketahuilah bahawa tidak lain melainkan Allah akan mengenakan musibah



*Faḍīlah al-Ustādh al-Akbar al-Shaykh ‘Abd al-Rahmān Tāj Shaykh al-Azhar ketika singgah di Singapura pada bulan yang lalu.*

(azab) kepada mereka itu dengan sebab setengah dosa mereka itu; dan bahawasanya kebanyakan manusia sesungguhnya orang yang *fāsiq*”.

Ayat ini terang memperingati kita bahawa kita hendaklah menghukum dengan hukum-hukum Allah dan tidak mengikuti kehendak hawa nafsu. Orang ramai – bertahkim bukan kepada Allah dan Rasul-Nya tetapi kepada fikiran dan nafsu semata. Hukum keadilan masyarakat, hak dan kebenaran, bukan menurut hawa nafsu dan bukan ditentukan oleh otak fikiran orang ramai. Tauhid dan musyrik, iman

dan munafik da Islam dan kafir, haq dan batil, zalim dan adil, ukurannya tidak terletak kepada otak, kepada akal dan fikiran tetapi telah ditentukan oleh Allah dan Rasul-Nya.

Dengan itu falsafah demokrasi di dalam Islam tidak semuanya bertahkim atau berkehendak kepada pendapat ramai melalui permesyuaratan yang dipertahankan oleh Islam sendiri itu pun adalah had-hadnya kerana segala soal yang terang ada nasnya di dalam al-Quran dan sunnah, umat Islam diwajibkan tunduk dan taat dengan tidak berbelah-bahagi lagi, tidak ada lagi rundingan atau permesyuaratan yang boleh mengubah kepada dasar yang telah ditentukan itu.

Dengan itu barangsiapa menghukum dengan hukum selain daripada hukum Allah dengan terang dan nyata Allah menyebut di dalam tiga ayat yang berturut, seperti yang termaktub dalam surah al-Mā'idah ayat 44, 45, dan ayat 47 bahwasanya orang itu kafir, zalim, dan fasiq.

Kiyai Isa Ansari tatkala menyebut ayat ini di dalam bukunya yang tersebut dengan terang menyatakan bahawa “kafir, jika seorang memandang hukum Allah itu tidak layak dan tidak banyak dipakai bagi menjadi undang-undang negara;

“Kafir, jika orang menganggap ada lagi peraturan yang lebih baik daripada peraturan Allah dan Rasul-Nya.

“Zalim, jikalau orang menggunakan hukum dan undang-undang selain daripada hukum dan undang-undang Allah – kerana tidak mengetahu (kebodohan) tentang hukum Allah. Zaim tidak meletakkan sesuatu pada tempatnya. Zalim, menipu, dan menganiaya diri sendiri, menganiayai orang ramai.

Fasiq, jikalau orang mengetahui hukum Allah dan Rasul-Nya, tetapi kerana beberapa sebab, tidak mau menggunakan hukum Allah.

“Begitulah tegasnya al-Quran”, kata Kiyai Isa, “memberikan peringatan kepada kaum muslimin supaya jangan menerima hukum-hukum selain daripada hukum Allah dan Rasul-Nya.”

Adalah menjadi kewajipan bagi umat Islam seluruhnya supaya mendirikan hukum-hukum itu apalagi

hukum-hukum itu boleh dijalankan dengan adanya kekuatan undi kita di dalam pilihanraya yang sebanyak 80% lebih itu. Di dalam hal ini umat Islam wajib tegas, wajib ingat kepada pengakuannya dihadapan Tuhan, sebagai tentera Allah, sebagai makhluk Allah untuk menyampaikan jihadnya sama ada di dalam jihad kecil atau jihad akbar untuk menegakkan suatu cita-cita supaya hukum itu berjalan dan dikuatkuasakan kerana jika ia meninggalkan di dalam tanggungjawabnya sudah tentu ia kelak akan menerima balasan yang pedih daripada yang Maha Berkua. Dapat tak dapat menyampaikan segala cita-cita itu bukanlah kita yang menetapkannya tetapi adalah ia suatu kewajipan yang mesti ditunaikan – suatu jihad yang mesti dijalankan.

(bersambung)

---

## SURAT AKUAN

Saya, H.M.D. Al-Ahmadi

146 Pasir Mas, Kelantan mengucapkan syukur ke hadrat Ilahi dan berbanyak-banyak terima kasih kepada tuan tabib yang tersebut di bawah ini kerana menyembuhkan penyakit buasir saya telah digugurkan dengan tak payah dipotong dan tidak berasa sakit dalam tempoh 12 hari sahaja. Yang demikian saya syorkan kepada saudara-saudara sekalian yang ada menghidap penyakit ini, silalah datang berjumpa dengan segera kepada tabib tersebut, Insha Allah akan memuaskan. Yang benar



H.M.D. Al-Ahmadi

30. 11. 54

Tabib H. G. Mustaffa,

## PUNJAB MEDICAL HALL,

280, Victoria Street, SINGAPORE 7. Tel. 80444